

¡BETOR ELEIZA!...

Jainkoak berak paradisora
gizonarentzat dakar pakea,
berau jarririk erdi-erdiyan
seme maitetzat, doaiz betea:
baratz ortako lorez apaintsu,
baña Jaunari zorraz mendea,
ura zan noski sortu zitzaigun
lenen-lenengo atsegindea.

Baña galdu zan zorion-une...
eta geroztik, gose t'egarri,
bekaitz ta miñak, guda zorrotzak,
eriyotz eta ainbeste larri!...
Landare zimel, ekaitzak jo-ta,
legor ta zirpil dagoenari,
zer letzayoke, arbin abetan,
intza bezela, osasungarri?

Betor Eleiza!.., Erromapetik
betor bai, goruntz aldan lenena,
erakustera gizon guziyai
zorioneko bide zuzena...
Zu zera gure aterpe goño
besoak zabal beti zaudena;
Jaunak egin-da ederra zeran
baratz loretsu atsegiñena.

Lurpean estu, atzaparpean,
bere ustetan, Erromatzarrak
euki nai ditu, asnasa gabe,
Jesukristoren sinismendarrak;
bañan alperrik amorraldiko
ernegutzarren katazka charrak...
Jainkoagana zuzen dijoaz
zuk dagizkizun antzi-negarrak.

Nola esna nik, zer onkarle dan
zure nekea?... Jainkoak daki
ori neurritzen, berau saritzen,
nola malletan bakoitza jarri,
zeñi nekeen ordaña eman,
nolataz egin zoriongarri,
odol-jariyoz entzan ondoren
gero zeruban pisten danari.

Zuriak dira Pedro ta Paulo
Ines, Zezili, agurgarriyak:
zure-zuriak oyek zituzten
indar oparo arrigarriyak.
Zuriak dira martiri oyek
zure bularrez gogoz aziyak,
zuriak noski maite ditugun
zeruban dauden santu guziyak.

Eta oraindik mendean zaude?...
eta zotinka negar dagizu?
askatasunik, oraindik ere,
Erromatzarrak eman eztizu?...
Jainkoak ezin utzi zaitzanik
illunpe ortan, ondo dakizu
kateak puzka, burniyak autzi
t'atoz gugana guziz argitsu.

Pakea dator Eleizarekin,
orain ainbeste biarra dana,
Kostantinoren erabakiyak
oriše bera dakar gugana.
¡O Eleizaren ardurapeko
berak dagiyen gogozko lana!
zuk daragizu alde guziko
gizadiyaren biltze laztana.

Eduki nai det zentzuna bero,
azaldu nai-ta esker aundiya;
aitortu nai det, mami-mamiyan
senti ta maite dedan egiya:
Or dakust Ama, lokarri gabe,
aberats, eder, maitagarriya...
Jesukristori zor zayo noski
Elizakiko garaitz guziya.

Garaitsu bego, t'opa diyot nik
indar gaiztoak chetu ditzala,
t'ñoiz neketan larri bagabiltz
a zer atsegin orren itzala!...
Bere semetzat, leyal izan-da,
maitaro beti gorde gaitzala,
t'esan ojuka: Gora Eleiza
Aita-Santuba nagusi dala!...

RAMÓN INZAGARAY

